

Tiga buah sekolah sertai Program Motivasi Pencapaian anjuran Fakulti Psikologi dan Pendidikan


48 23-03-2017 85



DARI KAMPUS



MAJLIS Pelancaran Program di Fakulti Psikologi dan Pendidikan serta gambar rombongan pelajar dan pegawai pengiring sebelum bertolak ke sekolah masing-masing.



MAJLIS Pelancaran Program di Fakulti Psikologi dan Pendidikan serta gambar rombongan pelajar dan pegawai pengiring sebelum bertolak ke sekolah masing-masing.

TIGA program motivasi pencapaian berjaya dijalankan serentak di tiga buah sekolah angkat UMS 04 Mac 2017.

Pelaksanaan tiga program serentak dalam sehari adalah cetusan idea daripada Prof. Madya Dr. Ismail Ali, Timbalan Naib Canselor, Hal Ehwal Pelajar dan Alumni (HEPA) yang dilaksanakan oleh Fakulti Psikologi dan Pendidikan. Tiga buah sekolah angkat UMS yang terlibat ialah Kolej Tingkatan Enam, Kota Kinabalu, SMK Bongawan 1, Papar dan SMK Apin-Apin, Keningau.

Program ini disertai oleh 89 orang pelajar Fakulti Psikologi dan Pendidikan (FPP) daripada 8 buah program di FPP, tiga orang pelajar mobiliti daripada Universiti Utara Malaysia (UUM) dan lima orang pelajar mobiliti daripada Universitas Mercu Buana (UMB), Jakarta.

Seramai 297 orang pelajar sekolah masing-masing iaitu 105 orang dari SMK Apin-Apin, 42 orang dari Kolej Tingkatan Enam dan 150 orang dari SMK Bongawan turut serta dalam program ini.

Setiap rombongan pelajar UMS masing-masing diiringi oleh dua orang pensyarah FPP. Pensyarah yang terlibat ialah Dr. Getrude Cosmas, selaku penyelarasi bagi tiga program ini, Dr. Lailawati

Madlan, Dr. Norzihan Ayub, Dr. Musirin Mosin, Dr. Connie Shin dan Puan Norhamidah Jarimal. Pengarah program bagi tiga buah sekolah terdiri daripada saudara Mohd Shazuan Al-Rahim, saudara Hj Md Mukmin Bin Hj Said dan saudari Nur Adlina Bte Yunus.

Menurut Timbalan Naib Canselor Hal Ehwal Pelajar dan Alumni, Prof Madya Dr. Ismail Ali, Program yang diadakan di tiga buah sekolah angkat UMS ini diharapkan akan dapat memberi impak

yang positif kepada pihak sekolah terutamanya kepada para pelajar yang terlibat agar meneruskan usaha untuk mempertingkatkan kecemerlangan akademik pelajar sekolah menengah di bandar mahupun di luar bandar.

Kandungan aktiviti dan ceramah motivasi pencapaian bagi ketiga buah sekolah diselaraskan bagi mencapai objektif program. Antara objektif program ini adalah untuk meningkatkan motivasi pencapaian dalam kalangan

pelajar sekolah bagi membantu meningkatkan kecemerlangan dan pencapaian akademik



GAMBAR AJK program bersama pelajar di Kolej Tingkatan Enam Kota Kinabalu.

daripada pelbagai program dan pelajar mobiliti di FPP. Para mahasiswa yang mengikuti program ini juga akan dapat meningkatkan kemahiran dalam merancang, melaksana dan mengendalikan aktiviti program yang dijalankan. Program seumpama ini diharapkan dapat memberikan motivasi dalam meningkatkan kecemerlangan para peserta program dalam aspek akademik mahupun sahsiah. Program seperti ini juga diharapkan dapat dilaksanakan lagi pada masa akan datang dengan menyasarkan lebih ramai pelajar sekolah menengah di bandar mahupun di pedalaman Sabah.



PENSYARAH FPP yang terlibat dalam Program Motivasi Pencapaian: Dr. Connie Shin, Dr. Lailawati Madlan, Dr. Norzihan Ayub, Dr. Getrude Cosmas, Dr. Musirin Musirin dan Puan Norhamidah Jarimal.



GAMBAR AJK program bersama pelajar di SMK Apin-Apin, Keningau.



GAMBAR AJK program di SMK Bongawan, Papar.